

Ky dokument nuk është prova. Prova janë bajtët e ruajtur: HTML-ja e faqes, pamja e saj, dhe zinxhiri i hash-eve që i lidh. Kjo dëshmi është paraqitja e tyre, e prodhuar automatikisht. Verifikohet me kodin më poshtë **pa na pyetur ne**.

ARTIKULLI

TITULLI	"Pse hesht për Ballukun?"/ Reagimi i PD: Rama të japë përgjigje për akuzat ndaj ish-zv.kryeministres dhe për emërimin e Vlora Hysenit në krye të SHISH
ADRESA	https://top-channel.tv/2026/09/28/pse-hesht-per-ballukun-reagimi-i-pd-rama-te-jape-pergjigje-per-akuzat-ndaj-ish-zv-kryeministres-dhe-per-emerimin-e-vlora-hysenit-ne-krye-te-shish64656/
BURIMI	top-channel.tv
GJENDJA	online

KOHA

KAPUR NGA NE	28 shtator 2026, 11:30:32 UTC <i>Dritarja jonë e pasigurisë: ± 300 s — intervali me të cilin e kontrollojmë këtë burim.</i>
LEXUAR NGA FAQJA	28 shtator 2026, 10:33:00 UTC <i>Portali nuk e deklaroi datën në asnjë formë makinë-lexueshme; kjo është ora e shkruar për njeriun, e lexuar nga faqja me meto dën text_date. Dritarja: 28 shtator 2026, 10:32:00 UTC → 28 shtator 2026, 10:34:00 UTC. Kalon nga një rregull i yni që mund t ë gabojë, prandaj shfaqet si e lexuar dhe jo si e deklaruar.</i>

HASH-ET · SHA-256

PËRMBAJTJA	78eec26a4688f81e59df0b186b68b3f0c7c7da6442998369a6e249a49551a1d6
TEKSTI	782f50616587137c19213ac19802a854f041cd757ff9db226f0f2af460b8455b
PAMJA	c4a79c0a84b140f7c5cf626fdba1d4218dad7a937d09698602c452f1977e3882

ZINXHIRI I PROVËS

KJO HYRJE	6cf4885601c32597ebf9e502ef759cb4b0f5c0c7f6269f735cfad9260bd0c508
E MËPARSHMJA	—
RRËNJA MERKLE	37c1183d944b9abe724532469e5e873d69da6740426bb5bc7e8618c3c9fa36bf
ANKORIMI	submitted — dërguar, ende pa bllok <i>Deri te blloku, kjo provon integritetin, jo kohën.</i>



SKANOJE PËR TA VERIFIKUAR

Kodi të nxjerr te eksploruesi i STAMLES. Ai regjistër nuk është yni: nëse serveri ynë bie nesër, vula mbetet aty ku është.

Faqja tregon njërën nga tri gjendjet — **nuk u gjet, në radhë**, ose **e konfirmuar** me bllokun, rrënjën Merkle dhe transaksionin në Polygon. Krahazo hash-in që gjen atje me atë të shtypur më lart: nëse përputhen, kjo kapje ekzistonte para asaj ore, dhe ne nuk mund ta kishim ndryshuar pas saj.

<https://scan.stamles.eu/verify/6cf4885601c32597ebf9e502ef759cb4b0f5c0c7f6269f735cfad9260bd0c508>

PAMJA E FAQES

Renderuar nga HTML-ja jonë e ruajtur, jo nga rrjeti. **Riprodhon kopjen tonë, jo pamjen e atëhershme:** stilet dhe imazhet e largëta mund të mos ekzistojnë më ose të kenë ndryshuar.

Motori: chromium-stored+assets · dritarja 1280×1024 px

KRYESORE POLITIKË TË FUNDIT

"Pse hesht për Ballukun?"/ Reagimi i PD: Rama të japë përgjigje për akuzat ndaj ish-zv.kryeminstres dhe për emërimin e Vlora Hysenit në krye të SHISH

28/09/2026 12:33



Kreu i Grupit Parlamentar të Partisë Demokratike, Gazment Bardhi, ka akuzuar kryeministrin Edi Rama se po shmang përgjegjësinë politike për çështjet që kanë përfshirë zyrtarë dhe institucione të rëndësishme të shtetit.

Në një deklaratë të gjatë, Bardhi u ndal te çështja e ish-drejtore së SHISH, Vlora Hyseni, duke kërkuar nga Rama të japë shpjegime për mënyrën e përzgjedhjes së saj dhe verifikimet e kryera përpara emërimit. Ai ngriti pikëpyetje edhe për përgjegjësinë e kryeministrit lidhur me funksionimin e institucioneve të sigurisë dhe pretendimet e opozitës për lidhje të zyrtarëve me persona të përfshirë në hetime.

Bardhi sulmoi gjithashtu qeverinë për një sërë çështjesh të tjera, nga inceneratorët dhe koncesionet në shëndetësi te tenderat e AKSHI-t dhe marrëdhëniet mes pushtetit e biznesit.

Duke iu referuar ish-zëvendëskryeminstres Belinda Balluku, Bardhi tha se Rama e kishte mbrojtur në Kuvend dhe e kishte konsideruar të pakorrptuar, ndërsa pas akuzave të bëra publike ndaj saj kërkoi që kryeministri të japë shpjegime dhe të mbajë qëndrimin e tij të mëparshëm. Në fund, kreu i grupit parlamentar të PD-së kërkoi përgjegjësi politike nga Rama dhe i bëri thirrje të japë dorëheqjen.

"Dje, secili prej jush që beson tek e ardhmja e Shqipërisë, jam i bindur se është ndjerë i zhgënjyer.

Jo për faktin se, për të disatën herë, u rikonfirmua se Republika jonë ka një Kryeministër të papërgjegjshëm.

Jo për faktin se, për të disatën herë, shqiptarët kuptuan se Kryeministri i vendit i ikën llogaridhënies dhe përgjegjësisë.

Por për faktin se dje qytetarët shqiptarë patën mundësinë të kuptonin se e keqja në këtë vend nuk njej limite, nuk ka fund dhe është kthyer në sistem. Dhe e keqja është kaq e madhe, sa përpjetë të përpjijë cilindo që së keqes i thotë e keqe.

Ndërkohë që çdo shqiptar i ndershëm dhe çdo mik ndërkombëtar i Shqipërisë ndihet i tronditur si lumi dhe e keqja ka mbuluar çdo segment të qeverisjes së vendit, Kryeministri Edi Rama zgjodhi përsëri të njëjtën strategji.

Edi Rama iu tha shqiptarëve se asgjë jonormale nuk ka ndodhur: se AKSHI apo SHISH-i; Gysi, Mirlinda, apo Vlora; janë një kapitull normal i Shqipërisë së tij imagjinare europiane dhe se fajin për gjithçka që po ndodh në vend e ka drejtësia që heton veprimtarinë e qeverisë, opozita që e denoncon atë dhe mediat që e pasqyrojnë.

Për ata që akuzohen për këto veprime, përfshirë edhe vetë atë, na këshilloi t'i

I Kryesore



Presidenca zbardh mbledhjen e Këshillit të Sigurisë Kombëtare dhe arkivon Vlora Hysenin: Drejtësia të bëjë punën e vet, çështjet individuale...

12:39

Merr flakë lokali në Athinë ku u vra Pëllumb Islami, dyshohet për zjarrvëniet të qëllimshme

08:29

Sot Konferenca Ndërparlamentare, Rama, Peleshi dhe Schieder të pranishëm. Në fokus zgjerimi i BE dhe integrimi i Shqipërisë

08:25

Kuvendi i Kosovës miraton deklaratën për ish-krerët e UÇK-së: Kundërshtojmë aktgjykimin e padrejtë

12:58

Shënoi në Wembley dhe udhëhoqi Spanjën, Lamine Yamal kërkon kurorën e futbollit botëror. Katalanasit këmbëngulin për "Topin e Artë"

09:37

I Më të lexuarat

Kreshnik Spahiu shpërthen ndaj burrave shqiptarë: Janë injorantë, vishen si arabë dhe jeta u vërtitet nga lavazhi te garazhi

E PLOTË/ "Si ka mundësi që nuk e dija?", mesazhi i Ramës pas akuzave të SPAK për zyrtarët pranë tij: Kam fajet e mia, por jam këtu për të bërë histori e jo pasuri

Pas paralajmërimit, Aleksandar Vučić jep dorëheqjen si President i Serbisë

Exclusive/ Nga dhoma e hotelit me Guardiolën te 15 vite si drejtor i Lazios dhe aventura te Milani, Igli Tare në një rrëfim ndryshe

Ekskluzive/ Ministri Ferit Hoxha avancoi me rokadën e ambasadorëve, Denion Meidani shkon në Prishtinë, Petrit Malaj në Shkup

Asnjë shtrëngim duarsh, kokat ulur dhe shirita të zinj, Irlanda e kthen ndeshjen me Izraelin në një deklaratë simbolike

"Më ka ndaluar shërbimi sekret", ish-deputeti i PD flet për Top Channel pasi iu refuzua hyrja në RMV: Më nxorën një fletë, kërkuam që...

Greqia shkakton 'tërmet' në Gjermani, mposht 4 herë kampionët e botës

prezumojmë të pafajshëm dhe t'i trajtojmë me dinjitet e humanizëm.

Ndërkohë që, në të njëjtin fjalim ku na kërkonte të prezumonim si të pafajshëm Vlorën, Belindën, Lindën, Ergysin, Veliain e të tjerë, edhe pse për to janë bërë publike prova dhe fakte të zbuluara nga prokuroria, vetes i lejoj të konsiderojë të fajshëm dhe madje shpalli akuza publike ndaj dy televizioneve që nuk i kontrollojnë dot politikisht, duke i akuzuar, pa paraqitur asnjë fakt për pastrim parash apo evazion.

E vërteta është se, as njëri televizion dhe as tjetri nuk rezulton nga ndonjë hetim i prokurorisë të jetë financuar me para nga korrupsioni, krimi apo fshehja e të ardhurave.

Janë televizione të tjera ato që figurojnë në çdo hetim korrupsioni e krimit të SPAK, por Edi Rama zgjodhi të heshtë sepse ato i shërbejnë si zyra propagande.

E vërteta është që Qeveria e Edi Ramës nuk ka lënë gjë pa bërë për t'i shantazhuar, kontrolluar, verifikuar e penguar dhe, nuk ka arritur të gjej asgjë. Megjithatë, ka zgjedhur të sillet në këtë mënyrë me to: duke i sulmuar, duke u marrë pronat, duke i nxjerrë nga zyrat me polici dhe ushtri, dhe duke i intimiduar çdo biznes që bashkëpunon me to.

Një Kryeministër i përgjegjshëm nuk shantazhon mediat.

Nëse ai ka dijeni për një krim, ka detyrimin ligjor t'u drejtohet organeve të drejtësisë.

Edi Rama nuk e ka bërë këtë, sepse, sulmi ndaj dy televizioneve, Syri TV dhe Neës 24, bëhet vetëm sepse ai nuk i kontrollojnë dot.

Vetëm sepse ato kanë vendosur t'u thonë shqiptarëve atë që konsiderojnë të vërtetën. Vetëm sepse nuk janë pjesë e oborrit personal të Edi Ramës.

Në të njëjtin fjalim ku na kërkonte të prezumonim si të pafajshëm Vlorën, Belindën, Lindën, Ergysin, Veliain e të tjerë, edhe pse për to janë bërë publike prova dhe fakte të zbuluara nga prokuroria, vetes i lejoj të konsiderojë të fajshëm dhe madje shpalli akuza publike ndaj liderëve të opozitës, duke na kujtuar urdhrin që lëshoi nga Kongresi i Partisë Socialiste për arrestimin apo përndjekjen gjyqësore ndaj Liderëve të Opozitës.

Të gjithë kujtojmë sesi Edi Rama në Kongresin e PS u kërkonte prokurorëve që të hapnin çështje penale dhe të arrestonin 3 Liderët e partive opozitare, dhe fakti është që në vitin zgjedhor Sali Berisha u mbajt një vit në arrest shtëpie, Ilir Meta u burgos, ndërsa Fatmir Mediu u detyrua të ishte çdo javë në një proces gjyqësor të padrejtë. Sepse për Edi Ramën prezumimi i pafajësisë vlen për çetën e tij të të korruptuar, por nuk vlen për kundërshtarët politik.

Të dashur qytetarë,

Reforma në Drejtësi ishte produkt i 140 votave në Kuvendin e Shqipërisë. Pa votën e PD, reforma në drejtësi do ishte thjeshtë e pamundur.

Vizionin e Edi Ramës për drejtësinë e pavarur shqiptarët e panë me draftin fillestar që ai propozoi për miratim, ku gjyqtarët dhe prokurorët, i konsideronte si vartës të pushtetit ekzekutiv. Ishtë ndërhyrja jonë dhe opinioni i vyer i Komisionit të Venecias që rrëzuan përpjekjen e Edi Ramës për të shtënë në xhep, me Kushtetutë, sistemin e drejtësisë.

Ligji për SPAK dhe GJKKO ishte më tej i vetmi ligj i miratuar me konsensus, falë ndërhyrjes së SHBA-së për të reflektuar në të, të gjitha shqetësimet e PD.

Ti tregosh SHBA dhe BE drejtësinë e Noc Rrokut, do me thënë të jesh tërësisht mosmirënjohës për ndihmën e vyer që SHBA dhe BE kanë dhënë gjatë gjithë këtyre viteve për sistemin e drejtësisë në vend, duke shpenzuar miliona euro apo dollarë të taksapaguesve të tyre. Pa ndihmën e tyre, Edi Rama do ta kishte tërësisht nën kontroll sistemin e drejtësisë.

Të dashur bashkëqytetarë,

Edi Rama na tha se është i sapokthyer nga SHBA-ja, ku për një javë, me taksat e shqiptarëve, udhëtoi nga Michigan-i në Neë York, por pa shpjeguar me asnjë fjalë se përse u shfaq atje, si një Kryeministër i izoluar ndërkombëtarisht.

Përveç fjalimit për Inteligjencën Artificiale, a thua ky është problemi më i madh sot në Shqipëri, që mbajti në sallën bosh të mbledhjes së Asamblesë së Përgjithshmetë OKB-së, Edi Rama ishte, i vetmi Kryeministër nga Ballkani dhe Europa që nuk zhvilloi asnjë takim bilateral me Kryeministër të tjerë të pranishëm, me zyrtarë të OKB-së, me zyrtarë të Bashkimit Evropian apo me autoritete shtetërore të Shteteve të Bashkuara të

Detaje/ Mbyllet mbledhja e Këshillit të Sigurisë Kombëtare pas 90 minutash diskutime, i pranishëm edhe kreu i SPAK

Sot Konferenca Ndërparlamentare, Rama, Peleshi dhe Schieder të pranishëm. Në fokus zgjerimi i BE dhe integrimi i Shqipërisë

te bashkuimit Europian apo me autoritete shtetërore te shteteve te bashkuara te Amerikës.

Na deklaroi se situata diktonte një adresim të menjëhershëm dhe të drejtpërdrejtë, sy më sy. Por pse nuk pranoi të komunikonte me gazetarët? Pse nuk pranoi t'u përgjigjej pyetjeve të tyre? Pse nuk dha përgjigjet që shqiptarët presin prej ditësh t'i dëgjojnë? Pra, të vetmit sy me të cilët komunikoi drejtpërdrejt ishin ata të Lindës, Taulantit, Feritit dhe Pjerinit, që i kishte si shoqërues gjatë këtij 'udhëtimi të vetmisë së madhe' prej një jave në SHBA.

Edi Rama i iku komunikimit sy më sy sepse, edhe ai vetë, është i ndërgjegjshëm se tre milionë shqiptarë, nga njëra anë, dhe Edi Rama me një grusht njerëzish, nga ana tjetër, jetojnë në realitete të ndryshme.

Shqiptarët jetojnë në realitetin ku mezi mbyllin muajin me rrogat dhe pensionet që marrin, ndërkohë që Qeveria e Edi Ramës ka luksin që, vetëm në një tender, në tenderin e Tunelit të Llogarasë, të avullojë 50 milionë euro.

Shqiptarët jetojnë në realitetin ku paguajnë çmimet më të larta të ushqimeve dhe karburantit, ndërkohë që Edi Rama ka luksin të shëtisë botën me avion privat.

Shqiptarët jetojnë në realitetin ku kanë pensione ndër më të ultat në Europë e Ballkan, ndërkohë që Edi Rama ka luksin të ndërtojë në godinën e Kryeministrit 'Kopshtin Eden' me vlerë 4 milionë euro apo të paguajë për koncertin e Kanye West-it plot 4 milionë euro të tjera.

Shqiptarët jetojnë në realitetin ku, mungojnë ilaçet në spitale dhe kostoja e shëndetit të tyre është e barabartë me të ardhurat e disa viteve punë, ndërkohë që Edi Rama ka luksin të paguajë nga Buxheti i Shtetit më shumë se 300 milionë euro për koncesionet në shëndetësi.

Shqiptarët jetojnë në realitetin ku e shohin vendin e tyre si të pajetueshëm, dhe ku çdo ditë njerëzit largohen nga Shqipëria për të garantuar një jetë më të mirë për familjet e tyre diku tjetër në botë, ndërkohë që Edi Rama u tregon përralla me integrimin europian dhe flamurin që ngrihet lart.

Të dashur qytetarë,

Dje ishte dita kur Edi Rama duhet të jepte llogari se përse, në krye të Shërbimit Informativ të Shtetit, propozoi dhe përzgjedhi një person që ishte njohje e tij personale, pa asnjë lidhje dhe asnjë kontribut të njohur në Republikën e Shqipërisë. Kush ia propozoi si këshilltar dhe kush e lloboi më pas për postin më të lartë të institucioneve të sigurisë në vend? Kush mban përgjegjësinë që në krye të SHISH-it ishte një njeri që, sipas akuzave të bëra publike, bashkëpunonte me persona të arratisur nga drejtësia apo u jepte informacione të klasifikuara organizatave kriminale në vend?

Edi Rama e konsideroi dëm faktin që drejtësia veprroi ndaj një zyrtareje në krye të shtetit, por nuk tha asnjë fjalë për dëmin që përzgjedhja e tij personale i ka shkaktuar sigurisë kombëtare. Asnjë fjalë për vënien e SHISH-it, në shërbim të Ergys Agasit, të krimit të organizuar apo të luftës së brendshme për pushtet.

Kush dhe si u përzgjedh Vlora Hyseni në krye të SHISH-it? A keni një përgjigje, zoti Kryeministër?

Nëse përzgjedhja është bërë se paske marrë referenca të shkëlqyera nga shërbimet partnere, që ndër të tjera na the se janë të shastisur nga mënyra sesi ka vepruar drejtësia me këtë rast, na i trego kush janë këta partnerë ndërkombëtarë? Cili është shastisur nga veprimet e SPAK? Cili shtet, cili partner ndërkombëtar, cili shërbim i huaj sekret?

Ti ke shumë të drejtë t'ia lësh përgjegjësinë për këtë akt të paprecedentë të vënies së SHISH në shërbim të krimit të organizuar partnerëve ndërkombëtarë, pa treguar cilët janë ato, sa kohë që partnerët ndërkombëtarë heshtin dhe preferojnë që të jesh ti zëdhënësi i tyre.

Mirëpo, heshtja e tyre ndaj përgjegjësisë që ti dëshiron t'ia faturosh pa adresë, nuk justifikon mungesën e transparencës nga ana jote ndaj shqiptarëve.

Dil dhe tregoj shqiptarëve cili shërbim i huaj, cili partner ndërkombëtar ta sugjerojë Vlora Hysenin me referencë të shkëlqyer dhe kush është shastisur nga veprimet ligjore të SPAK kundër krimeve të saj?

Deri më tani kemi një reagim zyrtar të BE që nuk tregonte shastisje, por mbështetje dhe besim të plotë ndaj punës së SPAK.

Kush u shastis Serbia, Rusia, apo Bjellorusia? Dil tregojua shqiptarëve.

Dil gjithashtu dhe na trego, çfarë u verifikua lidhur me shkarkimin e saj nga pozicionet drejtuese në Shërbimin Informativ të Kosovës, me vendim të Kryeministrit Albin Kurti dhe Presidentes Vjosa Osmani? A keni një përgjigje, zoti Kryeministër?

Kush e vuri, Vlora Hysenin në shërbim të Ergys Agasit? A keni një përgjigje, zoti Kryeministër?

Kush e mban përgjegjësinë nëse sot grupet kriminale në vend kanë në duart e tyre informacion mbi rrjetin e informatorëve të SHISH-it në gjithë Shqipërinë?

Kush e mban përgjegjësinë nëse operacione të Shërbimit Informativ të Shtetit janë dekonspiruar për llogari të krimit të organizuar?

A keni një përgjigje, zoti Kryeministër?

Opozita e ka thënë me zë të lartë se Vlora Hyseni, si shefe e SHISH-it, ishte në shërbim të koordinatorit të krimit Ergys Agasi. E kemi thënë në Kuvend, e kemi thënë në komisionet parlamentare, e kemi thënë në mbledhje e takime, e kemi thënë në studio televizive.

Çfarë masash ka marrë Kryeministri për të verifikuar këto akuza të opozitës? A mund të kemi një përgjigje, zoti Kryeministër?

Një Kryeministër që pretendon se nuk di asgjë dhe se gjithçka ndodh pas shpinës së tij, urdhëron verifikim, merr masa për të mësuar të vërtetën, kërkon informacion dhe vendos strukturat në varësi të tij në punë për të mbikëqyrur situatën apo akuzat. E keni bërë ju këtë, zoti Kryeministër? Kur dhe si? Mund të na përgjigjeni, zoti Kryeministër?

Meqë e vetmja strategji e Edi Ramës është të bëjë sikur nuk di gjë dhe se të gjitha ndodhin pas shpinës së tij, dua t'ju kujtoj se, sipas Kushtetutës, Kryeministri ka përgjegjësi të përcaktuara qartë, ndër të cilat edhe sigurimin e zbatimit të ligjit dhe kontrollin e punës së anëtarëve të Këshillit të Ministrave dhe të drejtuesve të institucioneve të tjera të administratës qendrore të shtetit. Kjo është përgjegjësia konkrete kushtetuese e Kryeministrit.

Nëse ju, Edi Rama, nuk e ushtroni këtë përgjegjësi kushtetuese sepse ministrat, drejtorët dhe vartësit tuaj ju bëjnë gjëra pas shpine, pse rrini ende në detyrë? Nëse nuk përmbushni detyrën tuaj për të kontrolluar se çfarë bëjnë ministrat dhe drejtorët, çfarë përgjegjësie merrni ju? Nëse jeni i paaftë të përmbushni përgjegjësinë tuaj kushtetuese pse nuk largoheni? A nuk duhet të përgjigjeni për këtë? Jeni naiv, i paaftë, apo i korruptuar dhe i kriminalizuar?

Sepse në fakt, e vërteta është krejt ndryshe.

Ministrat, drejtorët dhe vartësit tuaj janë përballur dhe po përballen me drejtësinë për akte dhe veprime që janë urdhëruar prej teje dhe që përbëjnë përgjegjësi politike, morale dhe ligjore tënden.

Sot është dita të kujtojmë disa prej tyre.

Të nderuar qytetarë,

– Opozita denoncoi depërtimin e krimit në institucione, përfshirë Parlamentin dhe Bashkitë. Edi Rama e mohoi për një kohë të gjatë këtë fenomen, derisa u miratua ligji i dekriminalizimit. Filloi të tallej me ligjin e miratuar, aq sa merrte personat e akuzuar nga opozita, i shpallte heronj dhe deklaronte se mezi priste të shihte pse nuk po i prekte ligji. I doli për zot pastërtisë së figurës së tyre.

Kur filloi të vërtetohej se në Kuvend dhe Bashki kishin depërtuar individë me rekorde të tmerrshme kriminale, nga trafikantë droge te persona të akuzuar për vrasje e përdhunime, Edi Rama doli dhe tha se nuk dinte gjë dhe se përgjegjësia ishte individuale.

Po si ka mundësi që Edi Rama di çfarë kanë në mëngjes dhe në darkë shqiptarët, u bën biografinë me lehtësi dhe di gjithçka për ta, ndërkohë që personat që i kishte përzgjedhur vetë i kishin shpëtuar kontrollit të tij dhe ai nuk dinte gjë?

– Opozita ngriti alarmin se Shqipëria po kanabizonej me leje shteterore. Edi Rama e mohoi këtë dhe e shpalli ministrin e Brendshëm kampion të luftës ndaj kanabisit. Kur ai ra në rrjetën e drejtësisë italiane, Edi Rama madje e mbrojti në Kuvend, duke mos i hequr imunitetin. Kur hetimet avancuan dhe ministri i Brendshëm Saimir Tahiri u bë i pambrojtshëm, e lëshojë dhe tha se nuk e dinte që ai kishte lejuar kanabizimin e vendit.

Po si nuk e dinit ju që Shqipëria po kanabizohet, kur opozita jua thoshte çdo ditë? Çfarë verifikuat ju? Asgjë? Sepse, projekti i kanabizimit të vendit nuk kishte si arkitekt Saimir Tahirin, por kishte arkitekt Edi Ramën.

– Opozita denoncoi me fakte koncesionet në shëndetësi. Ndërkohë, Edi Rama i dille për zot asaj afere, deklaronte se nuk kishte shkelje dhe arriti deri aty sa të thoshte se 'nuk ka hajdut dy metra'. Kur Ilir Beqaj ra në rrjetën e drejtësisë, edhe pse ishte 'dy metra', doli përsëri dhe tha se përgjegjësia ishte individuale dhe se ai nuk dinte gjë.

Pamja këtu është e ri-koduar për ta futur në dokument. Artefakti autoritar është skedari WebP i ruajtur, dhe hash-i i tij është ai i shtypur te faqja e parë — pra dallimi është i verifikueshëm, jo i fshehur.